

# INUIT ATAQATIGIIT

## INATSISARTUNI



Nuuk, 04 juni 2014

Inatsisartut Suleriaasianni § 37 naapertorlugu Naalackersuisunut imaattunik apeqquteqarpunga. (Inatsisartunut ilaasortaq Ane Hansen, Inuit Ataqatigiit)

### Apeqqutit:

1. Upernaviup eqqaani immikkut qilalugartassiissutit qanoq agguanniarneparpat ?
2. Qeqertarsuup Tunua eqqarsaatigalugu immikkut ukioq manna qilalugartasseeqqittoqassua ?
3. Ukioq manna Qeqertarsuup Tunuani siorna qilalukkat pisarineqangitsuukkat sumut nuunneqarpat ?
4. Immikkut ittumik qilalugartassiinerit pillugit Pinngortitaleriffik qanoq naliliiva ?
5. Pinngortitaleriffiup naliliineranut illuatugiliuttumik Naalackersuisup naliliinermini suut tungavigai taakkulu ilisimatuussutsikkut upernarsarneqarpat ?

### Tungavilersuut:

Avannaani qilalugartassiissutinik immikkut tunisinermi immikkortitsineq ersarippallaaqimmat apeqquteqarnissara pisariaqalersippa.

Januarimi qilalukkat Qeqertarsuup Tunuani takkusimaaruttulersut Naalackersuisoqarfimmiit Aasiammiut Qeqertarsuarmiullu pisaqarpallaarsimasutut pasineqarlutik ullormiit ullormut qilalugarniarnerat unitsinneqarpoq. Tamanna pivooq illoqarfimmi piniarnermut nakkutilliisoq nalunaa-ruteqarsimammatt piniartut pisaqarpallaarsimasut naak illoqarfiit marluk taaneqartut piniarnermut nakkutilliisoqangikkaluartut.

Qeqertarsuarmiut 20-nik qernertanik qilalugartassinneqarnikuupput, Aasiammiut 21-nik Kangaatsiaq-miut 6-nik. Pisassiissutigineqartut taakku nungoreersimalerpaat Aasiammiut 3-nik ukiup sinneranut sinneqarnerat eqqaassangikkaanni. Illoqarfiit taasakka ukiuunerani qilalugarniarneq annerusumik isumalluutigaat. Taamakkaluartoq januari naaginnartoq qilukkallu nalliuteruttornerisa nalaani mattunneqarput aammalu naak mattunneqarnermi nalaani aalisakkanik piniagassanillu allanik isumalluutissaqarpallaangikkaluarlutik qaavatigut pillarneqarput siorna pisaringitsuugaat 19-nit pillaatitut peerneqarmata. Piniartut januarimiit april-mi nipisat suanniarnissamik tungaanut allanik taasarialinnik isertitassaqarnikuungillat, inuuniarnerminnilu ajornartorsiulerlutik. Qilalugartassaminnik immikkut qinnuteqaramik pillagaapput siorna nuutassaagaluit 19-nit pillaatitut perneqarmata.

Kullorsuarmi ukioq tamaat qaleralinniareerlutik puisit amiinik tunisisinnaarerlutik qerititsiviup ulikkaartornera pissutigalugu ulloq siullermiit qilalugartassaasa ilanissaat Naalackersuisumik neriorsuutigineqarpoq inuuniarnerminni ajornartorsiortutut taaneqarlutik. Tamanna ajungilaq. Qeqertarsuup tunuani illoqarfinnut pingasunut nunaqarfinnullu arfineq marlunnut pisassiissutit katillugit 47-ruupput. Upernaviup eqqaani qimusseriarsuarmi pisassat ilangullugit 81-put, ukiorlu tamaat qaleralinniarsinnaallutik qerititsiviisa ulikkarnissaat tikillugu, puisit amii tunisaapput, taamaallutillu Qeqertarsuup Tunuani illoqarfinnut pingasunut eqqartukkannut sanilliullutik periarfissagissarnerogaat. Tamanna aamma ajungilluinnarpoq, kisianni inuuniarnermi nalilersuutigineqartut eqqarsaatigalugit, sooq Qeqertarsuup tunuani piniartut ajornerujussuarmik

inissisimasut, nipsisallu suanniarneq aallartinnissaata tungaanut qaammatit ilaasa tallimat tikillugit inuuniarnermikkut ajornartorsiuteqarsimasut assinganik pineqassangillat. Neriutigaara ukiamut Qeqertarsuup Tunuani qilalugarniarneq aallarteqqippat juullip tungaanut pisassaqaangitsut Upernaviup eqqaanituulli pisasseqqinneqassasut. Pisassiissutigineqartut aamma Upernaviup kujasinnerusuani nunaqarfinnut atuutsinneqarpasinninnerat ippinnartutut taasariaqarpoq.

Apeqqutit ullut 10-t suliffiusut iluanni akeqquneqarput.